

**ЯҒОНАСАН, МУҚАДДАС ВАТАНИМ, СЕВГИ ВА САДОҚАТИМ
СЕНГА БАХШИДА, ГЎЗАЛ ЎЗБЕКИСТОНИМ!**

Elim deb, yurtim deb yonib yashash kerak!

Turkiston

1925-yildan chiqqan
boshlagan

«Kamolot» yoshlar ijtimoiy harakati
Markaziy Kengashining nashri

www.turkiston.uz

2014-yil 12-iyul, shanba
№ 55 (15797)



Yoshlarga oid davlat siyosati — amalda

ЭРТАНГИ КУНИМИЗ ЭГАЛАРИГА ЭЪТИБОР

Мамлакатимизда аҳоли, айниқса, ёшларнинг ҳуқуқ ва манфаатларини ҳимоя қилиш, саломатлигини мустаҳкамлаш, таълим олиши, касб-хунар эгаллаши ва жамиятда ўз ўрнини топиши учун зарур шарт-шароит яратишга алоҳида эътибор қаратилмоқда. Президентимизнинг 2014 йил 6 февралдаги «Ўзбекистон Республикасида ёшларга оид давлат сиёсатини амалга оширишга қаратилган қўшимча чора-тадбирлар тўғрисида»ги қарори бу борадаги ишлар кўламини кенгайтиришда муҳим дастуруламал бўлаётир.

Мазкур қарор ижроси доирасида ишлаб чиқилган туман дастурига кўра, таълим тизимини тубдан такомиллаштириш, ёшларга жаҳон андозалари талаблари асосида билим бериш, истеъдодли йигит-қизларнинг қобилиятини юзага чиқариш, хотин-қизлар ва ёшлар бандлигини таъминлаш масалаларига алоҳида эътибор қаратилган.

Жорий йилда тумандаги умумтаълим мактабларини 1 минг 968 нафар, касб-хунар коллежларини 2 минг 82 нафар йигит-қиз тамомлади. Уларни таълимнинг кейинги босқичига тўлиқ қамраб олиш ва бандлигини таъминлаш айти пайтдаги устувор вазифадир. Бу борада таълим муассасалари, жамоат ташкилотлари ва корхоналар ҳамкорлигида муайян ишлар амалга оширилмоқда.

Ёшлар маънавиятини юксалтириш, уларни миллий қадриятларимизга ҳурмат руҳида тарбиялаш, қалби ва онгида юртга муҳаббат ва садоқат туйғусини кучайтиришда «Камолот» ёшлар ижтимоий ҳаракатининг ўрни беқиёс. Туманда мазкур ташкилотнинг 16 минг 200 дан ортиқ аъзоси бор. Жорий йилнинг ўтган даврида касб-хунар коллежлари битирувчилари учун тўрт мартаба бўш иш ўринлари ярмаркаси ўтказилди. Тузилган уч томонлама шартнома асосида битирувчилар иш ўринларига эга бўлмоқда.

(Давоми 2-саҳифада)

Munosabat

Оққан дарё оқаверади

Шу йил май ойида Самарқанд шаҳрида буюк алломаларимиз меросининг аҳамияти ҳақида халқаро конференция бўлиб ўтди. Ер юзининг турли томонларидан ташриф буюрган машҳур олимлар, жамоат арбоблари ҳузурда Ўзбекистон Президенти ниҳоятда сермазмун ва таъсирчан нутқ сўзлади.

Давлатимиз раҳбарининг гуруҳ ва ифтихорга тўла нутқини ойнаи жаҳон орқали жуда катта қизиқиш билан тингладик, газеталардан қайта-қайта ўқидик. Қаранг, бизнинг табар-

рук заминимиз инсониятга қанчадан-қанча улуғ мутафаккирлар, алломаларни етказиб берган. Юртбошимиз жуда ҳаётий гап айтдилар: буюк ўтмишимиз билан фахрланганимиз яхши,

айни пайтда ўша аждодларнинг вориси сифатида бугунги авлод ҳам жаҳон интеллектуал хазинасига ўз ҳиссасини қўшиши керак. Бу вазифа, айниқса, биз ёшлар зиммасига катта масъулият юклайди. Оққан дарё оқаверади. Она Ўзбекистонимиз янги истеъдодларни йўлга олиши учун барча имконият ва шароит яратилган.

Нигина САЙЛИЕВА,
Тошкент хореография
коллежи битирувчиси

ЎЗБЕКИСТОН ЁШЛАРИНИНГ ҲАЁТТИЙ ҚАДРИЯТЛАРИ ЎЗГАРДИ

Психологияда шундай талқин бор: инсон келажагини қанчалик теран тасаввур этса, ўзига шу қадар ишонган ва олдига шунчалик аниқ мақсадлар қўйиб яшаётган ҳисобланади. Яқинда «Ижтимоий фикр» жамоатчилик фикрини ўрганиш маркази олиб борган сўров мамлакатимиз ёшларининг 88,3 фоизи келажақда ўз режаларига эга эканини кўрсатди. Тенгдошларимиз учун муҳим ҳаёттий қадриятлар сирасига таълим олиш, жамиятга фойдаси тегадиган инсон ва яхши мутахассис бўлиб етишиш, мустақам оила қуриш кирган.



«Ўзбекистон ёшлари: одоб-ахлоқ, ҳаёттий қадриятлар ва ижтимоий фаоллик» мавзуда ўтказилган ижтимоий сўровда республикамизнинг барча ҳудудларида истиқомат қилаётган ўғил-қизларнинг фикри инobatга олинди. Эйтиборлиси шуки, бугунги Ўзбекистон ёшларининг ҳаёттий қадриятлари тизимида таълим олиш етакчи позицияни эгалламоқда. Бинобарин, улар шунчаки

имконига эга. Инсон қалби буюрган ишни ҳамиша сидқидилдан бажаради. Худди шу сингари бола ўзи маъқул топган касбни ўзгача меҳр билан эгаллайди ва келгусида мазкур йўналишда, албатта, зўр мутахассис бўлишга бор кучини сафарбар этади. Таълим соҳасида оқиллона юритилаётган сиёсат эвазига бугунги кунда минглаб коллеж битирувчилари таълимнинг кейинги босқичига жалб этилмасданоқ жамиятга наф келтира оляпти. Улар ижтимоий

ўрганишга қизиқувчи ёшлар ҳам кўпаймоқда.

Ёшларнинг жамиятда ўз ўринларини топишларига ёрдам бераётган яна бир муҳим омил ҳам бор. Давлати-

ва «Ёш тадбиркор — юртга мададкор» танловлари шулар жумласидан. Ушбу лойиҳалар ёшларга шахсий бизнесини йўлга қўйиш билан бирга ўзи ва ён-атрофидаги бошқа ёшларни иш билан таъминлашга реал шароит яратмоқда.

Жорий йилда «Менинг бизнес ғоям» танловининг республика босқичида ғолиб чиққан 140 нафар коллеж битирувчиси тадбиркорлик фаолиятини бошлаш учун дастлабки сармоёга эга бўлди. Уларнинг 28 нафарига тижорат банклари томонидан жами 312,5 миллион сўм, 112 нафарига 1,5 миллиард сўм миқдорда имтиёзли фоизларда кредит ажратилади.

Ижтимоий сўров натижалари истиқлол йилларида мамлакатимиз ёшларини боқимандалик кайфияти тарқ етаётганини кўрсатмоқда. Бунинг ўрнини ижтимоий фаоллик, ташаббускорлик ва мустақил фикр юритиш эгаллаган. Демак, мамлакатимиз ёшлари бугун олиб борилаётган ислохотлар эртага уларнинг-да истиқболи, ҳаёти фаровон ва турмуши барқарор бўлишига хизмат қилишини теран англаяпти, шу боис мазкур жара-

ёнга ўзининг дахлдорлигини ҳис қилмоқда. Шу билан бирга ёшлар порлоқ келажақ ва тараққиётга ўз-ўзидан эришиб бўлмаслигини, кучли давлат ва жамият фуқароларнинг ижтимоий фаоллиги асосида барпо этилишини ҳам яхши билади. Ижтимоий фаол фуқаро — мустақил фикр ва қатъий ҳаёттий позицияга эга шахсдир. Айтиш керак, айнан шу икки жиҳат истиқлол даврида Ўзбекистон ёшлари учун янги устувор ижтимоий меъёрларга айланди.

Ёш авлод вакиллари учун муҳим ҳаёттий қадриятлар тизимида маънавий категориялар ҳам ўрин эгаллаган. Тад-

Мустақиллик йилларида ёшларда боқимандалик кайфияти ижтимоий фаоллик, ташаббускорлик ва мустақил фикр юритиш билан алмашди.

қиқот мустақиллик йилларида ёшларда миллий ўзликни англаш, ватанпарварлик, Ватанга садоқат ва юртдан фахрланиш, ифтихор туйғулари кучайганини яна бир бор исботлади. Ёшларда Ватанимиз тарихи ва маънавий-маданий меросимизга қизиқиш ортиб бормоқда.

Наргиза УМАРОВА,
«Turkiston» мухбири

Таълим ва оила Ўзбекистон ёшларининг муҳим ҳаёттий қадриятлари тизимидан ўрин олган.

диплом учун эмас, балки чинакам рақобатбардош кадр бўлиб етишиш мақсадида замонавий билимларни пухта ўзлаштиришга ҳаракат қилмоқда. Бу, ўз навбатида, мустақиллик йилларида юртдошларимиз онгида таълимга муносабат ва таълим сифати талаб тубдан ўзгарганидан далолат беради.

Эндиликда мактабнинг 9-синфини тамомлаган ўқувчи юқори идоралар томонидан зўрма-зўраки белгилаб берилган тақсимот асосида эмас, балки ўз хоҳиш-иродасига таянган ҳолда ўрта махсус касб-хунар таълим муассасасини танлаш ва исталган касб ёки хунарни ўрганиш

ҳаёт ва иқтисодиётнинг турли тармоқларида меҳнат фаолиятини олиб бормоқда.

Шу билан бирга, мамлакатимизда олий маълумотли бўлиш истагини билдирган ёшлар сони йил сайин ортиб боряпти. Жорий йилда бу кўрсаткич 81,6 фоизни ташкил этди. 2013 йилда ўтказилган сўровда ҳар икки ёшдан бири олий таълим муассасасига кирмоқчи эканини маълум қилган. Респондентлар орасида иқтисодиёт, молия, ҳуқуқ, педагогика, тиббиёт йўналишларига талаб катта. Муҳандислик-техник мутахассисликлари, ҳарбий иш ҳамда ахборот технологиялари, шунингдек, чет тилларини

миз томонидан уларнинг тадбиркорлик фаолияти билан шуғулланиши учун кенг имкониятлар яратилган. Таъкидлаш керак, ушбу масала мамлакатимизда амалга оширилаётган ёшларга оид давлат сиёсатининг устувор йўналишларидан бири ҳисобланади. Хусусан, Президентимизнинг шу йил 6 февралдаги «Ўзбекистон Республикасида ёшларга оид давлат сиёсатини амалга оширишга

қаратилган қўшимча чоратадбирлар тўғрисида»ги қарори билан тасдиқланган дастурда ёшларни тадбиркорликка жалб этиш бўйича аниқ чора-тадбирлар белгиланди. Касб-хунар коллежлари битирувчилари ҳамда ёш тадбиркорлар ўртасида анъанавий тарзда ўтказиб келинувчи «Менинг бизнес ғоям»

Мамлакатимиз ёшларининг 88,3 фоизи келажаққа аниқ мақсад билан интиляпти.

Ўзбекистонда ёшларнинг 81,6 фоизи олий маълумотли бўлиш истагида.



Умумий хулоса хатта волиб!



Кўнни кўрганлар айтадики, инсон ҳаётда турмуш ўрток, касб ва чин дўст танлашда адашмаслиги керак. Бунни вақтида англаган борки, турмуши чарогон, ҳаёти бахтларга тўйлик бўлади. Мухтасар фикримизни эса пойтахтимиздаги Турин политехника университетидан ўтказилган «Ўз касбининг моҳир эгалари» республика танлови қатнашчилари ҳам исботлади. Танловни Ўзбекистон металлургия ва машинасозлик sanoati тармоқлари ходимлари касба уюшмаси Республика Кенгаши ташкил этди.

Унда юздан ортиқ корхона, очиқ акциядорлик жамияти ходимлари ишлаб чиқаришга жорий этаётган гоё, лойиҳалари билан қатнашди. Ҳакамлар ҳайъати уларнинг касбий малакаси, чет тилларини яхши билиши ва ахборот технологияларидан тўғри фойдалана

олиш қобилиятларини ҳам синовдан ўтказди.

— Бугун МХ-1.8 русумли пахта териш машинанинг лойиҳасини кўрсатдим, — дейди Турин политехника университети муҳандиси Файрат Аҳроров. — У кам ёнилғи сарфлаб, тез ҳаракатланади. Пахтани

сочмай, далада қолдирмай йиғиб олишга ихтисослашган. Ишонаманки, беллашувда бу лойиҳам ўзининг ҳаққоний баҳосини олади. Дўстларимга эса омад тилайман!

Танловда «Энг фаол ёш машинасоз», «Энг фаол ёш металлург» номинациялари бўйича

Fan-texnika olami

голиблар аниқланди. «GM Uzbekistan» ёпиқ акциядорлик жамияти муҳандиси Дониёр Қосимовнинг тақдироти кўпчиликда илиқ таассурот қолдирди. У ишлаб чиқарилаётган машиналарнинг сифати ва технологияси ҳақида гапириб берди.

— Бизга голибларни саралаш жуда қийин бўлди, — дейди Ўзбекистон металлургия ва машинасозлик sanoati тармоқлари ходимлари касба уюшмаси Республика Кенгаши раиси ўринбосари Акмал Умаралиев. — Чунки уларнинг бари ўз касбини бирдек севади, тажрибаси юқори мутахассислар. Ўйлайманки, улар орасидан энг яхшиларини танладик ва бу танлов хулосаси бўлди. Аммо умумий хулоса шундан иборатки, ўз касбини севувчи ҳамма иштирокчилар олий ўринларга лойиқдир.

«Ўз касбининг моҳир эгалари»да фаол қатнашганлар ҳам тақдирланди. Ўзбекистон металлургия ва машинасозлик sanoati тармоқлари ходимлари касба уюшмаси Республика Кенгаши раиси Шавкат Адилов бу таассуротлардан кейин танловни анъанавий тарзда ўтказиш кераклигини таъкидлади. Жонли куйқушиқларни кўпчилик соғинган эканми, улар кўнгилларга бирдек манзур бўлди.

Кумар БЕГНИЯЗОВА,
«Turkiston» мухбири



Картошқадан «кола» олинади

Беларусь олимлари картошқадан «кола» ичимлигини олиш техникасини ишлаб чиқдилар.

Маълум бўлишича, кашфиёт Беларусь фанлар академиясининг озиқ-овқат маркази кимёгар-технолог олимлари томонидан ихтиро қилинди. Мутахассислар фикрича, ушбу ичимлик ҳақиқий «кола»дан фарқли ўлароқ, фақат табиий маҳсулотлардан тайёрланади. Бу ичимлик ёрдамида кези келганда бош оғригини ҳам тўхтатса бўлади. Ичимликка «Микола» деб ном берилди. Янги ичимликни «квас»га ўхшатганлар ҳам топилди.

Тез орада янги «кола» Беларусь дўконларида уч хил кўринишда сотилади.

Рельсда ҳаракатланувчи машиналар

Словакия пойтахти Братислава шаҳрида трамвай йўлларида ҳаракатланувчи машиналар пайдо бўлди.

Шаҳарда бундай машиналарни трамвай ҳаракатланмаётган вақтларда учратиш мумкин. Кашфиёт эгаси ўз ихтиросини тасвирга олиб, «Youtube» сайтига ҳам жойлаштирди. Видеода оддий тахтадан қилинган ҳаракат воситасида трамвай йўлида сайр қилиб юрган кишини кузатиш мумкин. Янги ёғочдан ясалган машиналарни яшаш учун анча кам вақт ва маблағ сарфланади. Маълум бўлишича, бундай ҳаракат воситасида юриш худди скейтбордда учишни эслатади.

Барчаси қўл соатида мужассам

«Google Play» онлайн интернет дўконида «Samsung» ишлаб чиқарган ақли соатлар учун алоҳида бўлим ташкил этилди.

Смартфонлар учун мўлжалланган дўконда энди соатларбоп ўйинлар ва дастурларни ҳам учратиш мумкин. Масалан, улардан бири соатлар учун мўлжалланган «Flopsy Droid» ўйинидир. Ҳозирча, синов муддатида бўлган бу ўйин соатларда энг кўп кўчирилган дастурлар қаторидан ўрин эгаллади. Ўйиннинг яна бир хусусияти, уни юклаш учун ақли соатга «Okay Google – start Flopsy Droid» (Қани, Google, Flopsy Droid'ни бошла), дейиш кифоя. Ўйин ихтирочиларининг сўзларига қараганда, унда камчиликлар бўлиши мумкин. Бироқ булар фойдаланувчилар талаб ва истагига биноан тўғрилаб, янгилаб борилади.

Роналду — энг яхшиси

Испаниянинг «Реал» футбол клуби аъзоси Криштиану Роналду мамлакатнинг 2013-2014 йилги футбол мавсумининг энг яхши ўйинчиси деб топилди.

Анъанага кўра, у Алфредо Ди Стефано мукофотини қўлга киритди. Маълум бўлишича, футболчи 35 та овоз тўплаган. Шунингдек, унинг рақибларидан «Атлетико» ҳужумчиси Диего Коста 16 та овоз ва Лионел Месси 7 та овоз билан чегараланди. Эслатиб ўтамиз, Роналду клуб сафида Испания кубоги ва Чемпионлар лигасида зафар қучган.

Интернет манбалари асосида
Чарос АБДУКАРИМОВА тайёрлади

«КАМОЛОТ» КУБОГИ ДОНЧИЛАР ЖАМОАСИДА

Жиззах шаҳридаги Заргарлик маҳалласида жойлашган «Умид-жон» спорт майдонидан футбол бўйича «Камолот» кубоги мусобақасининг вилоят босқичи бўлиб ўтди.



Корхона, ташкилот ва муассасалардаги «Камолот» ёшлар ижтимоий ҳаракати бошланғич ташкилотлари аъзолари иштирокида ўтган мусобақада шаҳар ва туман босқичларида голибликни қўлга киритган ўндан ортиқ жамоалар яшил майдонга тушишди. Ушбу мусобақа ҳужумкор ўйинлар ва

чиройли голлар билан эсда қолди. Якуний натижаларга кўра, Дўстлик туманидаги «Дўстликдон» ОАЖ ҳаваскор футболчилари ҳал қилувчи ўйинда Бахмал қишлоқ хўжалик касб-ҳунар коллежи жамоасидан устун келиб, биринчи ўринни эгаллади. Учинчи ўрин Жиззах тумани Учтепа касб-

ҳунар коллежи жамоасига nasib этди.

Энди голиб жамоа июль ойи сўнгида мусобақанинг минтақавий босқичида Самарқанд, Сирдарё ва Тошкент вилояти жамоалари билан кураш олиб боради.

Дилшод ЭРГАШЕВ,
Жиззах вилояти

